



**ATASSUT**

**UKA 2015/139**

**Siverth K. Heilmann**

**10. 11. 2015**

**Sumiiffinni nunami aalajangersimasuni nunaminertanik atuinissamut akuersissuteqarluni takornariartitsisarneq Inatsisartut inatsisaannik nr. 19, 3. december 2012-meersumik tungaveqartoq pillugu apeqquteqaat aallaavigalugu Inatsisartut oqallinnissaannik siunnersuut.**

(Inatsisartunut ilaasortaq Vivian Motzfeldt Siumut)

Siullermik inatsisartuni ilaasortaq, Vivian Motzfeldt Siumut, sumiiffinni nunami aalajangersimasuni nunaminertanik atuinissamut akuersissuteqarluni takornariartitsisarneq pillugu apeqquteqaat aallaavigalugu oqallisisissiaqarneranut qujanaq, imatullu ATASSUT-miit oqaaseqassaagut.

ATASSUT-miit siunnersuuteqartoq ilumoornerassavarput, ullumikkut inatsisip sumiiffinni nunaminertani aalajangersimasuni takornariartitsinermi atuuttup naleqqussartariaqarnera. Oqaatigisariaqarpoq qangamut sanilliullugu, takornariat Nunatsinnut tikittarnerat, pingaartumik aavarfiusartuni nunaqavissut piniarnerannut assut akornutaasarnerat, annikillinikummat sulili nakkutilliineq angallassisarneq, aningaasarsiornikkut iluaqutiginerunissaanik siunertaqarnermut isumaqataalluinarpugut.

ATASSUT-miilli nalunngilarput, piffinni innuttaasut nammineq piumassuseqarnerat apeqqutaaju-aannarmat kiisalu kommuneni qinikkat aqutissiuussinissamut innuttaasunillu peqataatitsinikkut akuerisaasunillu takornarissanut neqeroorutissat isumannaarnissaat. Takornarissalli ukioq kaajallavillugu suli piffinni amerlanersaani aningaasarsiuutigineqarsinnaaneri suliffigissallugulu uninngatitsiviusinnaanera ajornakusoornera nassuerutigisariaqarparput. Taamaattorli takornariarqarnerup ineriartornera ilorraallu tungaanut suliniutit ingerlanera annikillisinnaveersaartariaqarparput, suut tamarmik ataqatigiissumik inerisarneqartariaqarput aammalu takoqqusaarinermi aningaasaliissutit millisinneqannginnissaat ATASSUT-miit oqariartuutigisareerparput sulilu attallutigu.



Takornariaqartitsinermi annertuumik inerisaaqataarusullutik, nunami aalajangersimasumi atuisinnaanermut ilaatigullu kisermaasisuunissamut soqutiginnillutik nunaqavissut saqqummertareerникуupput. ATASSUT-miillu taamatut eqqarsaatersoneq siunnerfeqarnerlu tunngaviatigut tapersersugarisimavarput aammalu inatsisartuni inatsisiliortutut aqutissiuussisoqarnissaa kaammattuutigisimallugu. Takornarialerinerмик annertuumik aningaasarpassuillu atorlugit ineriartornissamut pilersaarusiorlutik takussutissaqartitsisut, ingerlaniarnerminnilu imminut akornusersuutinngitsumik qulakkeerinnikkusuttut politikkikkut aqutissiuunnissaat kommuune-mi, inatsisartuni takornarialerisullu akornanni suliaasaavoq pingaarutilik.

ATASSUT naggataagut oqaatigisinnaavarput, takornariaqartitsineq aqutigalugu neqeroorutigisinnaasagut nunamiinnaanngitsoq, imaaniipput pisuussutit uummassusilippassut, kuunni qissat-tarluni eqalunniartitsinerмиipput, innani timmiaqarfippassuarniipput il.il.. Takornariaannaanngitsut illoqarfinni nunaqarfinnilu nunaqavissut suliffitsillu aqutigalugu tikisitat angallateqanngitsorpassuaqarpoq aamma akiliillutik takornariarusuttartunik. Taamaattumik oqallisissiamut siunnerfimmullu annertusisamik suliniuteqarnerput nalilersorneqartariaqarnera kiisalu Naalakkersuisunut kaammattuuteqarneq ATASSUT-miit tamakkiisumik isumaqatigaarput.

Taakkuuput ATASSUT-miit oqallisissiamut oqaatigiumasamut.